



FADZILLA SALLEH diiringi Alias Salim (kiri) melafazkan ikrar bersama pegawai dan kakitangan MPK dalam majlis IBR di Kuantan, Pahang, baru-baru ini. - UTUSAN/AHMAD ZAKKI JILAN

Kakitangan MPK laksana kerja secara integriti, hindari rasuah

Ikhlas laksana tanggungjawab

UTUSAN MALAYSIA 3 OKTOBER 2017

Oleh MOHAMAD SHOFI MAT ISA
pengarang@utusan.com.my

■ Kuantan 2 OKT.

PEGAWAI dan kakitangan Majlis Perbandaran Kuantan (MPK) diminta melaksanakan tugas dan tanggungjawab dengan ikhlas tanpa perlu dipantau pihak berkuasa seperti Suruhanjaya Pencegahan Rasuah Malaysia (SPRM).

Yang Dipertua MPK, Datuk Fadzilla Salleh berkata, dengan cara itu, mereka dapat melaksanakan kerja diberikan secara berintegriti sekali gus menghindarkan diri daripada rasuah.

“Inisiatif ini merupakan langkah dan dorongan yang boleh dilaksanakan untuk meningkatkan daya kerja dengan penuh dedi-

kasi dan berintegriti.

“Kita mahukan semua kakitangan mempunyai semangat untuk membanteras rasuah di samping menjalankan tugas dengan baik dan penuh tanggungjawab,” katanya dalam majlis Ikrar Bebas Rasuah (IBR) di Dewan Jubli Perak Sultan Ahmad Shah, di sini baru-baru ini.

Yang turut hadir, Pengarah SPRM negeri, Datuk Alias Salim.

Fadzilla berkata, melalui pendekatan IBR, secara tidak langsung perbelanjaan dan operasi pihak berkuasa tempatan (PBT)

itu dapat diuruskan secara teratur.

“Untuk pengetahuan semua, kami sememangnya begitu komited dalam memerangi rasuah di semua peringkat dalam organisasi ini,” katanya.

Sementara itu, katanya, kerjasama antara pihak SPRM dan MPK perlu dalam menyampaikan maklumat kepada semua pegawai dan kakitangan berkaitan isu rasuah.

“Kerjasama ini juga akan menguatkan lagi mesej yang ingin disampaikan pihak SPRM.

“Elemen integriti perlu dibudayakan dalam kalangan kakitangan MPK bagi memastikan hasrat untuk melahirkan generasi berilmu dan berakhlak mulia menjadi satu kenyataan,” katanya.

